

摩訶般若波羅蜜多心經

觀自在菩薩。行深般若波羅蜜多時。
照見五蘊皆空。度一切苦厄。舍利子。是
色不異空。空不異色。色即是空。空即
是色。受想行識。亦復如是。舍利子。是
諸法空相。不生不滅。不垢不淨。不增
不減。是故空中無色。無受想行識。無
眼耳鼻舌身意。無色聲香味觸法。無
眼界。乃至無意識界。無無明。亦無無
明盡。乃至無老死。亦無老死盡。無苦。

集滅道。無智亦無得。以無所得故。菩
提薩埵。依般若波羅蜜多故。心無罣
礙。無罣礙故。無有恐怖。遠離一切顛
倒夢想。究竟涅槃。三世諸佛。依般若
波羅蜜多故。得阿耨多羅三藐三菩提。

提故。知般若波羅蜜多。是大神呪。是
大明呪。是無上呪。是無等等呪。能除
一切苦。真實不虛故。說般若波羅蜜
多呪。卽說呪曰。羯諦羯諦。波羅羯諦。
波羅僧羯諦。菩提娑婆訶。般若心經。